

生々堂論語說

1680

早稲田大學附屬圖書館  
寄第  
第 號  
第 卷  
出帶許不外館書此

9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6

子路篇與人忠雖之夷狄不可棄也 靈公篇言忠信行篤敬雖蠻貊之邦行

門仁12  
1680  
卷

生之堂論語說

泠海

中神字著

尾陽

本林政利筆

周室微而王道衰桓文起而霸道興霸道衰而諸侯力征焉蓋革命之秋也孔子生此時以天縱之聖智慨禮樂之背馳十有五而志於學及長適周問禮於老子既反而弟子益進三十而立當是之時天命所獲於王者則必周公矣所用於邦君則必如管仲矣夫欲治天下每萬民孔子之願也故曰天下無道則禮樂征伐自諸侯出蓋十世希不失矣是



音廣堂公啟

當革命之微言也耳子張益覺之因問十世可知也  
子曰殷因夏禮所損益可知也周因於殷禮所損益可  
知也其或繼周者雖百世可知也又曰周監於二代都々  
乎文哉吾從周又曰行夏之時乘殷之輅服周之冕  
樂則韶舞豈不王道之言乎公山弗擾以費畔孔子  
欲往子路不說子曰夫召我者而豈徒哉如有用  
我者吾其為東周乎是豈不霸道之言乎由是  
觀之孔子之所願若不周公則管仲也初孔子遭  
昭公之亂適齊定公即位而反乎魯為大司寇魯國  
大治齊歸女樂以沮之孔子復去魯於是乎周流

孟子盡心上君子有三樂得天下英才而教育之三樂也

天下者欲徧觀地理察邦君之賢愚知逸民賢士此  
時文武之道未墜地在人孔子訪求學乎以教育英  
大而將然於陶鑄天下之用是孔子之志也然而道不  
行於當世故齊衛陳宋葉蔡楚之君皆不能用焉  
是天欲使孔子傳道於後世故也孔子亦五十而知天  
命故脩六經而以傳之於後世者也學者以此意讀  
論語則庶幾乎不差矣而孔子所教授以孝弟忠信  
摠於德依於仁各今日所當行之事已故門人問孝  
問行問耻問友問仁問君子問士問事君問成人或為邑  
宰則問為政為士則問從政定公問君使臣哀簡何

班固之答賈曰  
時時而文章者  
君子之責也  
莊子庚季不楚  
聖人于天下而  
千人

為則民服

孝政二十七

季康子問使民敬忠以勸

又忠盜問之類

豈

不其人所當行之事乎而所問同而所對或異焉

一仁一孝同其人其對不一如子路問聞斯行諸子曰

有父兄在如之何其聞斯行之冉有問聞斯行諸子曰

聞斯行之公西華曰由也問聞斯行諸子曰有父兄

在求也問聞斯行諸子曰聞斯行之赤也惑敢問

子曰求也退故進之由也兼人故退之可以見也又

其言相反而意實不相反者有之如地不憤不啓

不悱不發舉一隅示之不以三隅反則吾不復也存鄙

夫問於我空々如也我叩其兩端而竭焉又人而無信

不知其可也大車無輓小車無軌其何以行之哉子貢

曰必不得已而去於斯二者何先子曰去食自古有死

民不信不立父為子隱子為父隱又孺悲欲見孔子

孔子辭以疾將命者出戶取瑟而歌使之聞之又由也

果於從政乎何有言必信行必果硜々然小人哉

天是也聖人之道至大至高不可執一而以見也凡

孔子所行動搖周旋皆中禮非先王之禮不敢行非

先王之法言不敢道夫孔子之言行即先王之禮

義也門人學其言行而至其成德因性名異矣如

德行顏淵閔子騫冉伯牛仲弓言行宰我子貢

政事冉有季路文學子游子夏可以見其教法也  
故曰吾無行而不與二三子者是兵也顏淵喟然歎曰仰  
之彌高鑽之彌堅瞻之有前忽焉在後夫子循之  
然善誘人博我以文約我以禮欲罷不能弱吾才如  
有所立卓爾雖欲從之末由也已由豈不至高之  
謂乎孔子沒而後子思以誠語聖子孟子以性善語  
道始與百家爭衡於是行事之教廢而言語之誨  
興焉孔子以公山弗擾佛肱等之陪臣搗且欲為東  
周是孔子之志也如孟子因邦君齊宣梁惠而徒說  
王道而失其時以道為死物其志豈之可霄壤乎後世

子路言心可

清暉堂藏

儒者以為孔孟同道故口語仁義而身不能行仁義  
猶狸之鸚鵡之能言矣流弊乎舉世皆成小人儒而  
無有君子儒矣可不慨歎哉秦漢開國之君其智  
卓絕知儒者之無益於治國故秦孔安國書傳序皇焚書坑儒漢  
皇溺儒冠自秦以降郡縣為政以對策取士出於  
匹夫而至乎宰相是以人欲其甲第其心在博  
覽強記詩賦文章而不在治國安民利用孑生  
也不特不能執柄治國或車裂或腰斬不能全首領  
終身焉及乎明朝卒為北虜見奪天下其弊極矣  
嗚呼悲夫後儒多知羨宰相之貴而不知惡遭刑之耻

清暉堂藏

一、...  
 二、...  
 三、...  
 四、...  
 五、...  
 六、...  
 七、...  
 八、...  
 九、...  
 十、...

...

一、...  
 二、...  
 三、...  
 四、...  
 五、...  
 六、...  
 七、...  
 八、...  
 九、...  
 十、...

豈不愚乎及於宋儒而陰呈次浮屠氏陽排之而配之  
聖人之道以作為心法一切以理斷之而以活術為死物其  
毒流於千載大道一變而成程朱之道矣實可謂先王  
之大罪人矣天運循環無往不復吾邦文化隆盛自伊仁  
齊唱古義駁宋儒天下稍々知所歸嚮然未能脫孟  
子之範圍而論孟孔孟並尊之可謂不知類矣及祖朱先  
生出投之以二辨論語微而攻理學之沉痾而行六經之氣  
血子世痼疾殆乎愈焉而其餘毒猶成天下之患也予  
也生其後幸整理學之沉痾而躋聖教之壽域者但翁  
之賜也豈不喟然歎哉雖然翁亦有小癖其意似以本

子持

惻隱慈愛之心仁之本也禮樂仁之末也

夏造殷因

邦之禮樂政刑欲為如中華予則不然夫聖人之道活術也  
如日殷因於夏禮周因於殷禮上又曰雍一變至於魯  
魯一變至於道又曰君子居之何陋之有以是觀之則  
君仁臣忠父慈子孝兄友弟悌祭敬喪哀禮敬樂  
和言信各以其所以王而因其故循其俗而損益以  
行之是禮以和為貴之義也三代猶且異禮况吾邦殊  
域懸世風俗異宜乎夫先王之道在於六經而禮樂先王  
之儀節君子奉而所行之業也詩民間之歌謠君子詠詠  
以知人情之具也君子所可讀誦以記臆者書與且勿耳約  
言之則皆藝也故曰游於藝孔門之徒學習之而成君子

詩序里卷歌  
誦之作

青黃堂

之德而國有道則行之而為經濟之用國無道則歲之而為  
教育之資如後儒則不然以博覽群書為專務以一物不  
識為耻童習絲果何益也用之則言動字書捨之則怠  
慢酒醜蓋弗思焉耳古之學祿在其中今之學貪在  
其中豈不悲乎孔子曰師古古者唐虞三代也師者如  
三皇五帝之於利用厚生堯舜之於文思禹之於洪  
水稷之於藝植伯夷之於禮堯之於樂皋陶之於五  
刑則焦思之極也孔子則用心於仁而思慮之焦思脩  
六經而使先生之道不絕於萬世矣後儒自己為古以  
思孟程朱為師去聖愈遠而學愈拙豈能知先王之

道也乎子曰學而不思則罔為政聖人之尚思可以見矣夫  
思與不思其利否果如何哉請嘗論之夫因典籍而  
脩者儒也僧也醫也古者儒有淵子貢輩僧有阿難迦  
葉輩醫有扁鵲蒼公輩而數十載之後斯人不可復  
得矣輒近學者止拘之章句研窮窮字義其學年々  
陋日々拙而較於古則其劣何翅百倍矣不曲籍而脩  
業者農也工也高也其所為之事業其所作之諸器使  
利便捷年々工日々新而較於古則其優何翅百倍矣  
其用心疎不用心毫釐千里相反如斯然而不學而思謂  
之妄思故又終日不食終夜不寐以思無益不如學也



又曰思而不學則殆聖人之尚學亦可以見矣雖然聖人沒而行事之教絕焉學者棄書又曷適故欲讀書學於道則勉脩六經論語且就其經文而思之思之則神其通之而後亦足以知先王之道矣不可據註解諸書而以思之也夫註解諸書之於說道譬猶月映水也儒有姓善窮理之水佛有坐禪持律之水醫有五行配當之水人認其影以為真月是死物也何能照物真月者何也於儒則治國平天下是也於佛則斷煩惱而求菩提是也於醫則既邪毒而全天命是也愚者不察認影為真不致疑者不用思慮故已善用思

慮者自居君位而臣使古人夫臣事於人者權在彼臣使人者權在我非權在我則不能自為政矣是余之所以喋々告門生也顏淵之分負寧也子路之負米也豈有間暇而後讀書成德哉醫經云知其愚者一言而終不知其愚者聚散無窮知言哉故讀書學道者先熟復孝經論語詩經書經而後讀周易禮記左傳可三三過也如歷史則初學或先讀國字通俗之書預記臆其事實而後始讀其書臨機應變以活用之可矣如此則聖人雖沒而亦足以成其德矣若夫讀論

語者無已則從論語傲可也然而其說間有誤者  
予故取出而為之說名生生堂論語說以示門人云

爾

*[Faint bleed-through text from the reverse side of the page]*

學而第一

說卦傳兌以說之注說音悅

子曰學而時習之不亦說乎有朋自遠方來  
不亦樂乎人不知而不愠不亦君子乎

學謂學先王之道也時猶孟子彼一時我孫子年八十九一時也

之時也亦之於周公也愠拂鬱也言周公得時

與位制作禮樂以行之於當世而天下皆受其

正朔而奉之是周公之時也豈非可悅之事乎

迄至周末文武之道將墜於地也孔子生其時

訪求於四方學而脩之以教育英才而天下皆

其教誨而奉之是孔子之時也亦豈非可悅之

事乎周公輔成王而攝政天下諸侯朝於周  
無思不服豈非可樂之至乎孔子脩六經而授  
教遠方黨類從於孔子無思不服亦豈非可  
樂之至乎周公奉天命而道行於當世而天  
下服矣豈不在位君子乎孔子之不見知於  
人君者天欲使孔子傳道於後世故也孔子知  
天之所命安其分亦豈不知命君子乎  
有子曰其為人也孝弟而好犯上者鮮矣不好犯上而  
好作亂者未之有也君子務本之立而道生孝弟者  
為仁之本與

孝經曰先王有至德要道以訓天下民用和睦上  
下亡怨又曰夫孝德之本也教之所繇生也正  
此章相祭

子曰君子不重則不威學則不固主忠信無友  
不如己者過則勿憚改

向泰

重敦重也輕率之反君子動容貌斯遠暴慢矣  
正顏色則近信矣出辭氣斯遠鄙倍矣是君子  
之威也古之人君修禮樂明分義愷悌臨下是以不  
張威而威自在於其中百姓貴之如帝王親之如  
父母畏之如神明賞不用而民勸罰不加而威

行後世又君禮樂則不修分義則不明驕虐臨下  
 其禁非也暴其罰小過也信如雷擊之如墻壓之  
 故人視之如乳虎戰之是恐如是則正與無威同  
 矣學則不固蓋古語下三句亦古語孔子以古語  
 解古語也言苟學道則自不固陋也主忠信無  
 友不如己者過則勿憚改即學問之方法從義  
 崇德免固陋之道也共章正與十室之邑必有  
 忠信如丘者焉不如丘之好學也相各不  
 曾子曰慎終追遠民德歸厚矣  
 贊歎喪祭之禮也

崇德頌淵字

子會問於子貢曰夫子至於是邦也必聞其政求之  
 嗾抑與之子貢曰溫良恭儉讓以得之夫子之求之也  
 其諸異乎人之求之與

溫溫而厲之溫也良一人書上甲下元良萬邦以貞之良也恭

泰伯

三分天下而有其二以服事殷之謂也儉菲飲食而  
 致孝乎鬼神惡衣服而致美乎黻冕是卑宮而  
 而盡力乎溝洫之謂也讓三以天下讓之讓也是  
 天縱之聖德也若夫和厚易直壯敬節制謙遜則  
 常人之所能也豈有至於是邦也必聞其政之事乎  
 學者思諸

有子曰禮之用和為貴先王之道斯為美小大由之有所不行知和而和不以禮節之亦不可行也

麻冕禮也今也純儉吾從眾是禮之用和為貴之意拜下禮也今拜乎上泰也雖違眾吾從下是以禮節之意也周國初齊太公就封制政五月而奉之魯伯禽就封制政三年而奉之而周公聽之矣是皆修其教也豈求變其國俗乎是則禮之用和為貴之義也

為政第二

孟武伯問教子曰父母唯其疾之憂

孔子之所答足以知孟武伯之至孝矣其養親也喜其心志樂其耳目安其寢處厚其飲食懇到周悉無所不盡也則於孝道為無所憂唯其當父母之疾病雖孝子慈孫無如之何也故孝子預憂其父母之疾而已矣此章正與父母之年不可不知也一則以喜一則以懼相并

聖仁末

子曰學而不思則罔思而不學則殆

孔子學而能思之人也如使孔子在位得當仕路

於世而可以行道無異於唐虞三代之治矣不得其位故脩先王之道傳諸萬世而使天下人皆浴於其德澤矣若老子則學而不思之人也先王之禮傳之孔子豈不學而能哉然不思先王之制禮之本意故其著書無益於治國安民之事誣世惑人是豈非學而不思則罔乎若揚墨則思而不學之人也雖精心覃思志仁據義然皆摺得之業非先王之故故其弊至於無父無君是豈非思而不學則殆乎今世儒者目觀先王之遺教而不能曾見之實地見之行事徒穿鑿

孟子滕文公下若無父無君

字義拘之章句以是施諸國則不能安一民以是施諸家則不能養父母妻子廢業破產而倉廩空焉衣服竭焉酒戶娼樓昨親今疏債者盈門食言為常覲面目可惡之甚也親戚離朋友遠而能詩文矜風流記典故為博物身不能守禮節而口徒說仁義而以己鼠輩自為伏驥權貴之門趨之如歸賄貨之道就定如渴未嘗顧以舜之歷山雷澤河濱之事與孔子之為亦史料量平為司職吏畜菜田息之事身無顏憲之德而所等者唯其貧窶而已矣嗚

乎豈非學而不思之罪乎學者思諸

子張學于祿子曰多聞闕疑慎言其餘則寡  
尤多見闕殆慎行其餘則寡悔言寡尤行寡  
悔祿在其中矣

學上蓋脫請字以章正與樊遲請學稼之章同  
若子張不請孔子何以答之

或謂孔子曰子奚不為政子曰書云孝乎惟孝友  
于兄弟施有政是亦為政矣其為為政

為政謂秉柄於其事也孔子嘗曰聽訟吾猶人也  
必也使無訟乎無情者不盡其辭信哉使孔子

顏淵  
曰

為大夫則官政無所更張而無為而治矣豈有

斷獄之事乎亦中三宓子賤治單父彈琴身不下堂而

治况聖人乎或人不知其德化故疑而問之耳書

云王若曰君陳惟爾令德孝恭惟孝友于兄

弟克施于有政命汝尹之慈東郊敬哉今本無考

乎二子蓋脫耳

八佾第三

孔子謂季氏八佾舞於庭是可忍也孰不可忍也

左傳隱公五年九月考仲子之宮將萬焉公問羽數於  
衆仲對曰天子用八諸侯用六大夫用四士用二夫舞

先進季氏當  
於目也

所以節八音而行八風故自八以下從之於是初獻  
六羽始用六佾也愚按蓋舞人與樂人皆秉羽雀天子以八  
羽翟諸侯以六羽翟大夫以四羽翟士以二羽翟而用  
之別其佾乎所謂初獻六羽始用六佾也詩簡兮  
云左手執籥右手秉羽赫如渥赭公言錫爵合  
觀之則以羽數別佾明矣此章蓋疾季氏之強  
僭也說文唯秉夷以笑言俗仁而壽有君子不死之國  
子曰夷狄之有君不如諸夏之亡也本林義知曰夷者皇國也

包咸曰諸夏中國亡無也得之諸夏蓋對夷狄  
言之有禮之魯三家之僭亂於論語可觀况其

餘乎孔子傷而歎之矣以五車正與詩相氣有  
體人而無禮人而無禮胡不遠矣相及

子曰周監於二代郁々乎文哉吾從周

曰管仲之器小哉又曰鳳鳥不至河不出圖五

已矣夫又曰道不行乘桴浮于海又聞曾點之志

喟然歎曰吾與點也又曰行夏之時乘殷之輅服

周之冕樂則韶舞又公山弗擾以費畔佛肝

以中采畔皆孔子欲往可見孔子志在於革命也

如孟子則見過於大邦而徒說王道而失其時而

以道為死物可以見孟子之器小也設使孔子當其



時一舉而周公之功可成焉夫孔子周人也然猶且  
有以言可以察其志之所在矣所以聖人之為聖  
人也若夫邦有道有此志者所謂賊也學者不  
可不知也

或問禘之說子曰不知也知其說者之於天下也  
其如示諸斯乎指其掌

魯於周公之廟而用王者之禮則周之恩禮也於  
他公則不然而魯僭用於他公是魯之非禮也  
故答以不知者為魯君諱也陳子敗掌以吳孟  
子之事詰孔子孔子答曰丘也幸苟有過人必知

之而終不言其非禮正與此章同或人之問與林  
放問禮之本同其問蓋亦大哉是以孔子初以禮  
答之後以微言告焉吳孟子之事陳司敗既  
知之况於禘禮乎知其非禮者不為不多也故  
其如示諸斯乎指其掌也

子曰管仲之器小哉或曰管仲儉乎曰管氏有三  
歸官事不攝焉得儉乎曰然則管仲知禮乎曰邦  
君樹塞門管氏亦樹塞門邦君為兩君之好有  
及坵管氏亦有及坵管氏而知禮孰不知禮  
周公相成王施政於天下管仲亦相桓公施政於

天下其成功同而其所志大異矣所以孔子之  
小之也孔子嘗稱管仲曰如其仁哉如其仁哉以  
是觀之則此章之意管仲既得其時與其位  
而且不得為周公之功故情之爾管仲之大器而  
孔子小之或人疑問不亦宜乎孔子終不言所以  
小之者以革命之事不可言也

里仁第四

子曰里仁為美擇不處仁焉得知

里仁為美蓋古言也孔子引之且解里字訓  
處也擇擇先王之仁與善人之仁也如善人之  
道不踐迹亦不入於室又雖小道必有可觀之  
焉致遠恐泥是以君子不為也是則孔子之所以  
擇處仁也

子曰苟志於仁矣無惡也

惡去聲前章曰仁者能好人能惡人後章曰貧  
與賤是人之所惡也又曰未見好仁者惡不仁者

此世所不能... 清明堂... 道不... 子日...

此世所不能... 清明堂... 道不... 子日...

謂能惡人者雖退之罰之非惡其人而然也是欲使民免其不仁之害故也又曰貧與賤是人之所惡也不以其道得之不去也言非惡貧賤也一恥不義之富也是皆謂志於仁者無惡也故曰苟志於仁矣無惡也可以見惡字之用法也

子曰人之過也各於其黨觀過斯知仁矣

黨黨數也仁猶友其士之仁者之仁也此蓋觀以之法也凡人於新識之人則必慎鮮有過矣唯於其黨數朝夕相馴者則其過不掩然亦有兄弟閭牆外禦其侮之意此不曰見而觀也

可見下文字之不苟也夫君子之過也如日月之食焉過也人皆見之更也人皆仰之又不敢過又過則勿憚改又欲鮮過而不能等是徒義崇德之事而君子行也過而不改又過必文之是小人之行也君子不患人之不已知患不知人也故立觀人之方上此以之觀人則人焉瘦哉但徠先生曰觀群下之所過以知國君之仁也非矣夫國君之賢不肖則視其所以觀其所由察其所安是觀國君之法也豈可混乎且仁政事之行効而較然著明矣豈必俟群下之有過而後觀之乎

可謂泥仁字已

公冶長第五

宰斥晝寢子曰朽木不可雕也糞土之牆不可朽也於予與何誅子曰始吾於人也聽其言而信其行今吾於人也聽其言而觀其行於予與改是

韓愈曰晝當為晝字之誤也得之蓋諸侯有正寢燕寢士唯有寢即今之內堂也宰予之奢美晝內堂孔子見之以晝宰予也內堂不可晝

也猶朽木不可雕糞土之牆不可朽也

子貢曰夫子之文章可得而聞性與天道不可得而聞凡夫子之文章讀且勿傳可聞聞至觀其變玩其台以彰察性未則皆不可為典要唯存其人故而已但徠先生以文章為制作禮樂之事誤焉

子路有聞未之能行唯恐有聞

聞聲聞也猶是聞也冰蓬也之聞也子路時聲聞大高而未之能行則自知其聞之過也故唯恐有聞也蓋君子之疾沒世而名不補焉又立

孟子離婁下  
聲聞過情  
君子恥之

身行道揚名於後世以顯父母則君子之所欲也然無實而有聞者君子之所不欲也是正其富與貴是人之所欲也不以其道得之不處也同蓋門人形樣子路之篤實也但侏先生曰子路有聞未之能行唯恐有聞是則門人之言曰唯恐者門人之心勞之也以形子路之飾也古文辭之妙如此亦非矣禮義三百威儀三千雖盡聞之豈一日行之哉可見且不可也

子在陳曰歸與歸與吾黨之小子在簡斐然成章不知所以裁之

愚謂論語篇出於孔子講堂之壁中當時竹簡集錄不能無倒置錯亂竊疑也斯舉矣之章誤入於鄉黨篇而鄉黨記孔子之行事摺此章不類因記之於卷末者耳按也斯舉矣翔而後集蓋逸詩也孔子引之山梁雌雉時哉時哉三嗅而作亦逸詩也子路共之四字當在曰字上道不行於當世是以孔子歸魯欲與在簡斐然成章志大進取之士脩六經而傳之後而自悔斐然成章志大知所以裁之而子路亦知之故引詩而應焉

子謂子產有君子之道四云

天子舉此四道而嘆美子產也意此時世已稱君子然未知所以可稱之乃夫子舉之證之乎但徠曰鄭公晉楚子產相之能以禮樂免子產之功也而孔子不稱豈尚有不足於君子歟果其言之是乎則云君子不吝而比子貢以瑚璉乎乃知舉四德而贊美之也徠翁卓識尚不免鄙俗之見惜哉

子曰十室之邑必有忠信如丘者焉不如丘之好學也但徠先生謂孔子門人或有人仕為邑宰而不興學乃以人不好學為辭者故云爾誤矣是以孔子所謂好學為後世所謂好學其言果是乎孔門三十

之徒孰不好學也哀公問弟子孰為好學孔子對曰有顏回者好學不遷怒不貳過不幸短命死矣今也則亡未聞好學者也季康子問弟子孰為好學孔子對曰有顏回者好學不幸短命死矣今也則亡哀公季康子皆問以孰為好學孔子亦對不曰未見而曰未聞則顏子之外好學者寡可以見也如曰不遷怒不貳過曰君子食無求飽居無求安敏於事而慎於言就有道而正焉可謂好學也已子夏曰日知其所亡月無忘其所能可謂好學也已矣則非文學明矣若以文學謂之則子游子夏

何遺乎以是觀之則如曰見賢思齊焉見不賢而  
里仁為美  
 內自省也曰發憤忘食樂以忘憂不知老之將至曰三人行  
亦必有我師  
 必有我師焉擇其善者而從之且不善者而改之曰多聞  
 擇其善者而從之多見而識之知之次也曰篤信好學  
 守死善道曰學如不及猶恐失之曰見善如不及見不善  
 如探湯泰伯曾子曰以能問於不能以多問於寡有若無  
 實若虛犯不校曰舜好問曰孔子敏而好學不  
 耻下問皆好學之謂也也子謂顏淵曰用之則行舍  
 之則藏唯我與爾有是夫是好學之功効也好學  
 之稱古今異矣學者思諸

雍也第六

哀公問弟子孰為好學孔子對曰有顏回者好學  
 不遷怒不貳過不幸短命死矣今也則亡未聞好學  
 者也  
小學卷五章二十九聖人之道八年耳存心為德行行之為事業彼以文辭而已者陋矣

子曰未見而曰未聞則顏子之外無好學者也可以  
 見矣對以不遷怒不貳過則在於學行事而非  
 文學亦可以見矣如子夏曰賢者易色事父母  
 能竭其力事君能致其身與朋友交言而信雖  
 曰未學吾必謂之學矣可以見矣自孟子以降行  
 事之教廢而言語之誨興其弊至於後世儒者皆



以博覽強記為好學而不顧其行事未嘗有文  
質形之君子眼者凡聖賢之書而身不能為其行  
此即小人儒豈君子儒乎蓋學而不思之故耳

子曰回也其三月不違仁其餘則日月至焉而已矣  
子章顏淵喟然歎曰仰之彌高鑽之彌堅瞻之在前  
忽焉在後夫子循之然善誘人博我以文約我以  
禮欲罷不能既竭吾力如有所立卓爾雖欲從之  
末由也已蓋孔子聞此言故有此言也孔子嘗  
謂子貢曰賜也汝以予為多學而識之者與  
對曰然非與曰非也予一以貫之一即仁也正與此章

泰伯三九不在  
其位不謀其道

相發回也者呼顏子告之也三月者假設而言其久  
也不違仁者依於仁也日月至焉而已者日夕月之  
而至也云者衆德皆至也苟依於仁則其他衆  
德自然至矣孔子嘗曰欲仁則仁斯至焉然而不  
得其位故不能施之天下蓋此章以心語之也孔門  
以心言者唯此而已語之而不悟見其進也所  
謂後生可畏者謂顏子

子曰賢哉回也一簞食一瓢飲在陋巷人不堪其  
憂回也不改其樂賢哉回也

顏子不以貧窶累其心篤信天命也孔子嘗言與

賜也不受命對言可以見已蓋顏路素農夫一簞  
 食一瓢飲在陋巷而顏子從父之志勤其業  
 而不憂其困約而樂堯舜之道猶舜耕歷  
 山而事瞽瞍伊尹耕有莘之野而樂堯舜之  
 道呂望釣渭濱而待王者也是所以曰賢哉  
 也孔門之諸子或為大夫或為邑宰又以顏子  
 之賢得爵祿易於反掌矣山豈貧居困約  
 乎然猶且處之者所志大故也顏淵死孔子曰噫  
 天喪予天喪予以此也耳子貢輩業既不及方  
 今儒者間有媿讀書而廢其業敗家破產

怠慢不勤至於貧困不能養父母妻子舌耕以  
 為業歎之卑身教然比顏子之貧而勤以一簞  
 食一瓢之飲為口實豈非誣乎

子謂子夏曰女為君子儒無為小人儒

儒有文學之稱君子有長民之稱小人有細民之  
 稱於孔門長文學者子游子夏也孔子猶且有  
 此戒焉後之學道者不可不慎也方儒者其  
 行放逸而其言顛頽而所能則飲食詩友耳  
 以古譏今輕蔑人為小人不慎已行事而為君子  
 貧困以為雅富有以為俗其行事劣於小人者

頽頽言不正也  
 小學正義卷十七  
 丁右有讀數十  
 卷書便自高  
 大凌忽長者輕  
 慢同列

萬之矣如此則可謂盜儒也嗚呼君子儒吾未之見得見小人儒則是可也

述而得見君子者斯可矣

子游為武城宰子曰女得人焉爾乎哉曰有澹臺滅明者行不由徑非公事未嘗至於偃之室也

蓋廢人子為廢人卿大夫子為卿大夫是先王之制也及戰國而游說士立於廢人為卿為相至於秦漢而先王之道廢而戰國之遺風成俗而進士及第之法起以對策試人其弊至人不勒德行而以文學為務也故不能治國安民矣或見腰斬車裂者往往有之先王之制世祿不復有處刑之事

且其誡人也顧其德行如何耳故以不遷怒不貳過知顏子以四行不由徑非公事未嘗至於偃之室也知澹臺滅明之賢豈問文學之事哉

樊遲問知子曰務民之義敬鬼神而遠之可謂知矣問仁子曰先難獲可謂仁矣

遠去聲

周大王以文王有聖德瑞欲立太子歷以傳泰伯虞仲知之乃如荆蠻斷髮文身而以讓天下蓋使文王濟其仁也然而蠻夷人奉之以為君則其仁可知矣孔子補曰三以天下讓是也殷紂無道而不周微子箕子比干之諫三子蓋亦知周

文武聖智而有安天下之德也若輔紂則文武之  
仁難成故微子去之箕子為之奴比干諫死而使  
武成其仁而濟民於塗炭之中也孔子稱曰殷有三  
仁是也桓公殺公子糾召忽死之管仲不死被桎  
拑入齊囚夫所耻然管仲為之者有安天下之心  
故也遂相桓公霸諸侯而安民矣孔子稱曰桓公  
九合諸侯不以兵車管仲之力也如其仁如其仁  
是也此章之所諱先難後獲可謂仁矣者豈此  
之謂歟

子曰知者樂水仁者樂山知者動仁者靜知者

樂仁者壽

但誅先生盡之仁者壽者如堯舜禹湯文武周  
公孔子之聖德則至大至高與天地相終始故其人  
沒而其道流古今而不滅炳如日月萬世被其澤者  
尊信之如在山豈非無量之壽乎

老子三三死而不亡者壽

子曰君子博學於文約之以禮亦可以弗畔矣夫  
君子之居恒博我以文約我以禮則民之從也猶至  
水之下也語曰君子不出家而成教於國將是之謂

大學九章君子不出家而成教於國 孟子離婁上水之就下

述而第七

清明堂

子曰加我數年五十以學易可以無大過矣  
孔子嘗曰四十而不惑蓋四十而初仕出謀於慮  
孔子不遇空加數年而至於五十而爵還不至  
以其閑暇而學易也此蓋天欲使孔子傳道於後  
世孔子蓋知之故曰五十而知天命也言有德者得位  
於卜筮須無大過之卦矣此知命之言也巽下兌  
上謂之大過也易曰大過棟橈利有攸往此言  
唐虞三代之道孔子集而大成聖人之道棟也  
而不遇於時者橈也脩六經而傳於後世者利有

攸往也夫孔子不遇則萬世之幸耳可謂大過之  
時大矣哉也孔子嘗曰人不知而不愠不亦君子  
乎可謂君子以獨立不懼遯世无悶也祖徠先生  
曰蓋言學易比至五十乃始有成也極言易之  
難學也夫孔子之聖而難學如此則豈凡人之  
所及也乎聖人必不以人之所不能者傳之於  
後世可思而知己矣

子曰文莫吾猶人也躬行君子則吾未之有得

愚按莫疑當作謨文謨即典謨也謂先生之簡策  
也言典謨之言吾能言之猶人也然躬行之則吾

言之非難行之是難正此此章相發

*[Faint bleed-through text from the reverse side of the page]*

泰伯第八

曾子有疾召門弟子曰啓予足啓予手詩云  
戰之兢兢如臨淵深如薄冰而今而後吾知免夫小子  
曾子於孔門以孝所稱焉當其疾使門弟子開  
衾視其手足而告以孝經所謂身體髮膚受之父母  
不敢毀傷孝之好也立身行道揚名於後世以顯父  
母孝之終也之意曰而今而後知免於刑戮夫蓋孝  
之難也與左傳若曰以夫夫之靈得道領於保以  
沒語自不同焉

哀年三年

古黃

子罕第九

子罕言利與命與仁

先儒皆罕言訓少誤矣當訓恒也蓋聖人之道皆利也伏羲神農黃帝之所為者即利用厚生之事也已易大傳云以美利利天下孔子所言亦莫非利者利天下利國利民是也孔子恒言利而依於仁據於義故或嘆命與之或嘆仁言之未嘗單言利是聖人之所以為聖人也單行利則小人之事也故曰放利而行多怨又曰無見小利大學曰不以利為利以義為利

文言傳

利天下下係梓傳

其戒之可以見也

子絕四毋意

孟子離婁下坤堯舜與人同年之注聖人亦人耳

意字當作臆字聖人亦人已不可謂無意也果使聖人無意則豈謂大學中誠意之誠乎按謂中復殷之禮吾能言之祀宗不足徵無徵不敢言所謂無臆說者也學者思諸文王既沒文不在乎此

意又與臆同 假名用格二意臆通

蓋易傳以未大成之前叢乎諸先生為禮樂制作然而文王終西伯未可謂禮樂制作文王於易始辭繫焉明士口凶尚後世之人不易讀

故夫子為之傳而大成今人得玩之者為是故也  
乃夫子以為天若欲使斯易之文不傳于後死者  
斃陳蔡之間而已云明報天德之業自任之重者也  
子曰可與共學未可與適道可與適道未可與立  
可與立未可與權

與猶可與俗言詩而已矣之與也蓋三千之徒有可與  
而未可與適道者有可與適道而未可與立者  
有可與立而未可與權者而可與立可與權者止顏  
子已矣故孔子嘗曰用之則行舍之藏惟我與  
爾有是夫先顏淵死孔子曰噫天喪予天喪

予可以見矣

鄉黨第十

孔子於鄉黨恂々如也似不能言者其在宗廟  
朝廷使々言唯謹爾

朝與下大夫言侃々如也與上大夫言誾々如也君  
在蹠踏如也與々如也

孔子之言行仰子之彌高鑽子之彌堅瞻子之在前  
忽焉在後如有所立卓爾雖欲從之末由也  
已顏子之歎不亦宜乎



士月必朝服而朝

吉當作告蓋字之誤也左傳文公六年經云  
閏月不告月杜註云諸侯每月必告朔聽政因朝宗廟文  
公以閏非常月故闕不告朔怠慢政事雖朝于廟則如勿朝  
故曰猶之者可止之辭可以徵矣魯自文公告朔之禮廢  
是以子貢欲去告朔之餼羊孔子曰賜也女愛其羊也  
我其愛禮孔子愛其禮故每於月朔必視朔之服而  
朝於君也

食不厭精膾不厭細食饀而餲魚餹而肉敗不食  
色惡不食臭惡不食失飪不食不時不食割不

正不食不得且醬不食肉雖多不勝食氣惟酒無  
量不及亂沽酒市脯不食不撤薑食不多食

鄉黨一篇初記孔子之言行母意母必母固母我而  
勤容周旋皆中於禮矣孔子曰吾無行而不吐二  
三子者而孔門之徒皆以之學焉故記如是也

### 先進第十一

子曰先進於禮樂野人也後人於禮樂君子也如用之  
則吾從先進

孔安國曰先進後進謂仕先後輩也於禮樂者謂



為禮樂也。質行而儉則其貌賤，故曰野人也。萃美而奢則貌貴，故曰君子也。孔子若為禮樂，則從先進質行之儉，是國奢則示之以儉也。正與禮與其奢，寧儉之章。相發蓋祖父視以為奢者，至於父視以為儉，父視以為奢者，至於子視以為儉，子視以為奢者，至於孫視以為儉，此自然之勢也。君子所宜用心也。

子曰：從我於陳蔡者，皆不及門。德行顏淵云。此言於陳蔡之間，從學之徒為入淺而未能備四德之一休者，發也。

子張問善人之道云云

此時已周道微，衰弱被凌，疆而夫子孤立，說禮樂人為以迂。子張亦私以其意故設問之也。夫子吾則不踐迹，亦不入於室，云防之也。可見不告所以為道之意，而以夫子之不取所以之意也。

點爾何如？鼓瑟希，鐸爾舍瑟而作，對曰：異乎！三子者，之撰。子曰：何傷乎？亦各言其志也。暮春者，春服既成，冠者五六人，童子六七人，浴乎沂，風乎舞雩，詠而歸。夫子喟然歎曰：吾與點也。

孔子生於革命之秋也。公山弗擾以費畔，佛肝以中牟。

畔召孔子孔子欲往者欲得志而制作禮樂陶次  
治天下也曾點蓋亦在其志也而三子者之所以言者  
仕於諸侯之事也故曰異乎三子者之撰也曾點之  
志所諱而不可言也故託微言言之季冬而春  
服既成則可以服焉暮春而春服成則無所以  
服焉以周室盛時喻盛春而以周室衰時喻暮  
春孔子知革命之迫也預備之而待其時故曰行夏  
之時乘殷之輅服周之冕樂則韶舞以革命一開  
國喻春服既成也曾點欲從孔子而行以故言浴乎  
沂風乎舞雩詠而歸者正與鈞謂耕莘同焉曾

曰聖人鈞謂耕莘之野

點之所志與孔子符是所以喟然歎曰吾與點也不然則  
後世腐儒之所謂風流已孔子豈有此乎孔子之所  
知者人之才也其不可知者人之志也今知曾點之志  
大其歎不亦宜乎

顏淵第十二

顏淵問仁子曰克己復禮為仁一日克己復禮  
天下歸仁焉為仁由己而由人乎哉顏淵曰請問其  
目子曰非禮勿視非禮勿聽非禮勿言非禮勿動

顏淵

青廣堂藏

蓋自王侯至於庶人衣服飲食自為之皆婦人之業  
也是先之制也不粥之於市者先王之仁也孔子之時此  
制壞而有粥於市者故孔子嘆其不仁極言云  
食不語寢不言

孔子畏敬聖人之言可以見也

康子饋藥并而受之曰丘未遠不敢嘗

蓋孔子之養生慎疾如此而禁忌之事足矣較之於  
醫書曰禁忌者則醫書固不足論也古今醫之愚也  
可以見也

廋焚子退朝曰傷人乎不問馬

孔子依於仁可以見也

朋友死無所歸曰於我殯

孔子據於義可以見也

迅雷風烈必變

孔子畏天可以見也

邑斯舉矣翔而後集曰山梁雌雉時哉時哉子路  
共之三嗅而作

此章當在於公冶長子在陳曰歸與歸與三章  
之下也說見于彼

子之武城聞弦歌之聲夫子莞爾而笑而曰割雞

焉用牛刀子游對曰昔者偃也聞諸夫子曰君子學道則愛人小人學道則易使也子曰二三子偃之言是也前言戲之耳

子游以禮樂教化武城故有弦歌之聲孔子聞之悅曰割雞焉用牛刀是以武城喻雞以牛刀喻子游孔子若當革命之位則子游羽翼之士也今不得其位故以治天下之才而治小邑蓋孔子之微言也子游不悟故引舊聞以詰焉以革命之言所宜諄謝曰前言戲之耳蓋不欲顯言也

子曰道聽而塗說德之棄也

是謂口耳之學以代耕者也余聞之有儒能與以交鄉人相語曰溫厚和易一鄉宗儻渠其業儒者耳不然則必聖人矣惜矣乎其好讀書也可謂破天下之俗儒矣世多道聽而塗說之儒豈不聖人德之言之棄也乎

陽貨  
子曰年四十而惑

君子亦有惡乎之章下載而可也

### 微子第十八

微子去之箕子為之奴比干諫而死孔子曰殷有三

仁焉

使紂從三子之諫則足以安天下而紂不從是以  
亡矣紂之罪惡貫盈故周武奉天命而代紂也當  
此時若三子相之則武王失其時矣三子知武王之  
聖德故謀以使其成其仁也正與秦伯之斷髮文身同  
趣矣故曰殷有三仁焉

楚狂接輿歌而過孔子之門曰鳳兮鳳兮何德之衰  
往者不可諫來者猶可追已而今之後政者殆而  
孔子下欲與之言趨而避之不得與之言  
子路從而後遇大人以杖荷蓀子路問曰子見夫子

乎夫人曰四體不勤五穀不分孰為夫子植其杖而  
芸子路拱而立止子路宿殺雞為黍而食之見其二  
子焉明日子路行以告子曰隱者也使子路反見之  
至則行矣子路反子曰不仕無義長幼之節不可廢  
也君臣之義如之何其廢之欲潔其身而亂大倫君  
子之仕也行其義也道之不行已知之矣

舊本無及子之二字今從福列寫本

大師執事適齊亞飯干適楚三飯繚適蔡四飯  
缺適秦鼓方叔入於河播冰鼓武入於漢少師陽  
擊磬右襄入於海

以上說逸民隱士之賢者孔子當革命之時壯而  
數夢周公可見以其所志矣夫御天下也非一人之  
所能故欲得賢者於逸民隱士之中是以於接輿  
則欲與之言於丈人則使子路及見之於擊干繚  
缺叔武陽襄則記其所行焉是皆預備其所  
志之用也矣

子張第十九

子夏曰百工居肆以成其事君子學以致其道  
愚按學字上蓋脫居字也不然則與上句不相類

焉學謂學校也傳云樂正崇四術立四教頒先王詩  
書禮樂以造士文王世子春誦夏絃秋學禮冬  
讀書是也其教法順陰陽之宜以將息之假以  
歲月而長養之學者優游於其中久與之化不  
德日以進是君子居學以致其道之義也蓋子  
夏贊歎先王學校之設也

堯曰第二十

堯曰咨爾舜天之曆數在爾躬允執其中四  
海困窮天祿永終舜亦以命禹曰予小子履敢用玄



牡敢昭告于皇天后帝有罪不敢赦帝臣不蔽  
簡在帝心朕有罪無以萬方萬方在罪之  
在朕躬周有大賚善人是富田雖有周親不如  
仁人百姓有過在予一人謹權量審法度修  
廢官四方之政行焉興滅國繼絕世舉逸民  
天下之民歸心焉所重民食喪祭寬則得衆  
信則民任焉敏則有功公則民說

是孔子祖述堯舜憲章文武之言也天  
中庸三十三章  
若使孔子得其位則如堯舜文武矣謹權量  
審法度修廢官興滅國繼絕世舉逸民是

革命開國之言也所重民食喪祭是制作禮  
樂之義也寬信敏公則所以施仁於天下之意  
也蓋謂天子治天下之事也

子張問於孔子曰何如斯可以從政矣子曰尊五美  
屏四惡斯可以從政矣子張曰何謂五美子曰君  
子惠而不費勞而不怨欲而不貪泰而不驕  
威而不猛子張曰何謂惠而不費子曰因民之  
所利而利之斯不亦惠而不費乎擇其可勞而勞  
之又誰怨欲仁而得仁又焉貪君子無衆寡無小大  
無敢慢斯不亦泰而不驕乎君子正其衣冠尊

其瞻視儼然人望而畏之斯不亦威而不猛乎子  
張曰何謂惡子曰不教而殺謂之虐不戒視成  
謂之暴慢令致期謂之賊桎之與以也出納之  
各謂之有司

是問諸侯開國之政也然革命之工言所宜諱也  
故託從政問之也不然則正其衣冠尊其瞻視  
儼然人望而畏之云者非君鄉之事而何也可見  
問諸侯初就封之政也蓋出納之吝者項羽之  
至使人有切當對者印剗熒忍不能予之謂也  
子曰不知命無以為君子也不知禮無以立也

不知言無以知人也

孔子不得其志蓋門人或嘆不得其志者故  
孔子述知命君子之義也

述而篇曰其為人也發憤

文化十五戊寅年二月中旬

於京師中神琴谿先生塾中書記之 杏松菴

論語集註標記

